



10678

朱軒公文集卷之五

江西提學僉事翰林院編修黃

仲昭著

刑部右侍郎門人太庾劉節校

七言詩

送北閣林先生之任潼川

先生自是儒中彥才華磊落人爭羨講道鄉園淑後
人桃李紛紛栽欲遍執經我亦曾相從菲才深荷開
顓蒙有時程門立寒雪有時馬帳談春風微書忽
起冲霄鶚我迹乘風遡寥廓相隔雲山幾萬重相思
烟草幾迴綠去年謁選來都城相逢一笑春陽生

朱軒公文集卷之五

詩

除書忽從天闕降教鐸又載潼川行潼川迢迢在

何許落日孤舟發汀渚心逐瞿塘峽上雲夢殘白帝
城邊雨講堂沉沉白晝長滿地芹藻飄清香化雨時
來一揮灑教澤到處皆汪洋嘆我年來日茅塞那堪
復與先生別後夜儀刑不可親夢魂長遶巴山月

送同年陳宗調榮歸

六龍御極綏八荒勵精圖治求俊良陳君自昔工詞
章倒挽文星歸筆鉉翩然掉鞅馳文場凌風一箭誇
穿揚聖恩與海同汪洋錦衣特許榮故鄉五花駿
馬青絲韁春風蹀躞岐路傍關山峩峨閩水長此行

山水俱增光况復慈親在北堂天開壽域殊未央上
堂拜獻紫霞觴下堂戲舞斑斕裳萱花玉樹相輝煌
堂中藹藹春無疆丈夫功名須早償莫教玄髮生秋
霜鳴珂竚待歸 巖廊披汗露瞻酬 君王上今治
道躋虞唐下令黎庶臻平康龍章指日重顯揚千秋
萬古長流芳我家雙親七十強別來甘旨無由將君
行未得同翱翔引涕空望天南方千里萬里雲茫茫
送張先生進實錄回任河間得尊字 三山張續也
先生問學推淵源才名早已高閩藩振鐸榮沾雨露
恩春風桃李花盈門 王畿史牒推討論書成親捧
朝 天閣盍簪幾度經黃昏笑談滿坐春陽溫朔風
吹雪飄塞垣頑雲一色連川原匆匆復駕南歸轅霜
蕪寒柳堪銷魂行潦難留瀚海鷗雲霄萬里終高騫
此時重掃京華軒浩歌共醉黃金尊

壽萱堂爲宋仲和司訓賦

鏡裏青鸞飛去早冰玉襟懷長自保玄髮年來變成
緜鳳雛總喜風標好欲慰慈親跡踰壽考堂前特種忘
憂草燁燁繁花映晴昊對此慈親春浩浩一雛朝陽
振文藻新沐 天恩出蓬島錦衣特訪鄉園道獻壽
流霞傾碼碯日向花前申頌禱長對慈親勿枯槁

壽直同天地老

送余先生教授 淮府

我家嚴君宰邑時先生載道來爲師氣味相投卽相契直與管鮑同襟期我時亦侍嚴君側山斗光中識顏色滿懷拍塞皆陽春就之如入芝蘭室嚴君解印賦歸與先生去也 王門裾河梁馬首東西別幾迴江上丹楓踈年來我作 金鑿客幸遇先生朝 帝闕典衣共話十年前浩歌醉吸清尊月月圓月缺苦不常人生亦恨多參商明朝又向河橋別離懷迴逐煙波長官閑時會寬僚宴山水遙知品題遍江雲渭

樹尙相思春風好寄歸鴉便

送耒陽謝文善知無爲州

同年文祥之兄也其父亦皆知是州

尊翁昔作無爲守千里絃歌沸清書騎箕一去今幾秋甘棠蔽芾還依舊振振公子人中麟承家蚤歲攀龍鱗天上榮沾新雨露剖符復治無爲民東風綠遍都門樹五馬帶將春色去郡人已識使君賢還似尊翁好風度在昔胡威似父清一時父子俱光榮期子努力追芳躅勿墜尊翁舊政聲

送思承林貳守之任淮安

昔年曾跨南溟鯤鞭雷掣電登

天閭剖符去作冀

州守春風絃誦盈千門九載功成重入 觀承 恩
又佐佳湯政利器當逢錯節施驛騶暫向康莊聘
都門出祖華筵張薰風滿座荷花香酒闌一笑拂云
去龍泉燁燁生寒芒去年我歷淮陽道平田四望傷
秋草期將丹府一團春散作甘霖起枯槁

送同年翁宗海歸省

三月鳳城春色好着花踏遍長安道白髮慈親老北
堂夜夜天涯飛夢到 九重得請還故鄉片帆便逐
南鴈翔舞袖踰躑錦雲繞壽觴斂艷丹霞光板輿迎
養私心穩遂向僊班聯玉筍賸吐胸中五色紋獻入

蓬萊補 龍象

送僧石庵歸饒川

上人自是雲水蹤一瓶一錫西復東參禪遊遍京華
寺忽憶故鄉天外峰滿空涼露洗殘暑木杯曉發長
河渚吹醒禪心蘊蓼風驚殘詩夢梧桐雨一夜蒼松
偃故山叢林法侶應知還遙想山中舊猿鶴相迎已
出蒼松關

送三山姚志學知臨川縣得美字

柰鐘催盡銅龍水銀蟾半墜鴉聲起有客承 恩出
帝城紫陌東風嘶驟駟錦筵祖餞百花前金尊綠酒

香浮蟻酒闌上馬不可留目斷雙鳧碧雲裏瑤琴到
日奏湯春散作絃歌環百里桑麻隨處謁晴雲桃李
滿城簇香綺汝川之水千尺深知君惠澤亦如此他
年青史傳循良中牟善政寧專美

雪後西郊卽事

玄雲一望連平陸朔風到處飄滕六應疑天上有神
工并刀碎剪昆山玉朝來旭日當天紅乾坤萬象光
玲瓏走馬西郊縱吟目如入瓊瑤世界中路東甲第
連雲起金帳圍春樹綠蟻路西亦有豪華家龍管鳳
笙喧聒耳幽人獨愛尋梅花花底敲冰自煮茶清白
無端風味好豪富紛紛何足誇

未軒文集卷五

詩

五

內閣試新秋詩

梧桐一葉飄銀床塞鴻又逐南雲翔祝融促駕收炎
光白帝持節行清商斗杓回指天西方乾坤六合生
微涼寒暑推移羽箭忙翻驚事業無寸長年來自幸
遭 虞唐造羽青霄鷲鷺行祿食朝朝給太倉 恩

波應與天無疆赤手未得攀穹蒼擎雲細補 龍衮

裳况復雙親老北堂西風華髮添新霜晨昏甘旨無

由將仰天但見雲茫茫烏鳥私情遶故鄉奮身欲往

川無梁爲忠爲孝俱未償感時撫景心徬徨人非金

石那能常終與草木同凋傷此心終始能無忘可以
千載傳流芳逢秋何必愁中腸

題馮醫士藥園幽趣卷和陸修撰鼎儀先生韻

數畝幽居深復深透迤一逕入雲林開園特傍青山
麓引水遙從碧澗潄市遠不聞來俗駕心閑寧復夢
朝簪籬邊帶雨朝移菊壠上鋤雲晚種岑舊植杏林
多結子新培橘樹漸成陰清香遠舍微風動翠影翻
堦霽月臨功效似能回造化刀圭亦足已呻吟但令
枯槁陽春轉肯受尋常世利侵醫國不殊秦緩手濟
時還契葛洪心笑予俗病幾成癖欲借仙源一洗襟

朱軒公文集卷五

詩

六

早朝

百辟朝趨紫禁中衣冠何幸躡仙蹤
人纔唱沉殘漏鳳闕將開動曙鐘
天仗入時雲擁道霓旌度處露零松
月臨太液金爲水花滿蓬萊錦作峰
韶樂九成儀彩鳳雲車五色駕飛龍
階前紅影開宮扇殿上清光識聖容
鷓鴣兩斑星拱極梯航萬國水朝宗
霞凝畫閣晴光爛柳拂雕闌翠色濃
星列泰階俱燦燦春生黼座自雍雍
儒臣朝罷方歸院又促檣

辭入 九重

內閣試禁中聞鶯

水盡銅龍殘月皎花霧濛濛碧天曉宮鶯夢破一聲
鐘無限清音聽不了綿蠻初起上林東須臾又度長
樂宮似識九重春色好往來長戀禁城中數聲遠
出蓬萊樹縹緲鸞笙隔煙霧數聲近繞掖垣花參差
玉笛鳴仙家倏忽天門上晴旭遠近和鳴無斷續變
態中含宮徵音鏗鏘似奏韶鈞曲豈無燕雀鳴春林
繁音啾唧難爲聽亦有鷓鴣啼暮雨淒淒喚起鄉心
苦何如鶯囀五雲間傾耳盡動春風顏蓬班我亦
金鑾署日聽清歌發奇趣

送春

惆悵東君又欲回襟懷從此爲誰開懶尋南浦踏芳
草自倚東闌看古槐柳外已無鶯宛轉簾前惟有燕
徘徊殘紅狼藉隨風去暗綠離披逐雨來羅綺香消
深院落笙歌夢斷舊樓臺遊蜂有恨環幽樹落絮含
愁點碧苔風景已知留不住漏聲無奈苦相催待看
歲晚寒收盡依舊陽和被九垓

賜扇

宮扇朝頒出金闕詔賜群臣掃炎熱分來紫禁
五色雲裁作青天半輪月烈日輕搖灑氣清天香冉
冉浮不襟阜財解慍平生志擬助薰風入舜琴

賜粽

鳳城佳節逢天中 袞龍曉御蓬萊宮
光祿傳宣頒角黍 廷臣盡沐天恩隆
中官捧向龍犀案 翠雲擎破黃金爛
天厨製造元異常 氤氳滿地香風散
却憶故園天一方 無由得奉雙親嘗

止賜酒

故事自十月初始日賜庶吉士酒至四月晦止歲以爲常

聖皇體天敷庶政 飲酒亦欲順時令
詞林氣候栗冽時 黃封日賜驅寒威
盛夏驕陽正炎赫 斯時飲酒當知節
以茲特詔光祿官 天厨芳醕暫停頒
非若楚王慢賢哲 醴酒不爲穆生設

題王孟端畫竹

九龍山人標格奇 平生與竹同襟期
興來爲竹寫真意 筆端颯颯生涼颼
一枝高拂青霄霧 蒼陂神物化龍去
一枝低掃白石苔 緱山仙子乘鸞來
踈影微茫遠 還碧頗似瀟湘秋
月夕翠色龍葱近 更深又似淇園春
雨晴 昔年老可今安在 遺蹟流傳重
千載 山人揮酒更入神 使可見之心
亦駭我家閩山叢竹幽 搗來不見心
悠悠 今日披圖看風景 分明一段閩山秋

觀鬪雀

玉箸沉沉春晝靜 嘉木滿庭煙翠暝
黃雀應知地勢

幽呼朋引類紛成陣萬物雖云各有營爾形至眇良
易盈何事心中亦不平昂頭鼓翅忿且爭兩雄相持
不相讓失勢俱落空庭上戰聲葉底亂啁啾落羽風
前飄蕩颺須臾驚散各西東怒氣猶似橫胸中嗟爾
由來氣類同胡爲轉眼難相容嗚呼世人競利亦如
此何必臨風深嘆爾

寄壽母舅鄭梅所先生暨姪李氏七十得齒字

南湖衍慶源一派流迤邐烏石山前秀氣鍾華堂轟
轟連雲起中有齊眉鶴髮仙紫鳳青鸞相並峙閱世
昇平七十年方瞳雙碧照秋水梅花灼爍晚方妍慈

朱州公文集卷五

詩

九

庚

竹龍葱寒更美我昔棲遲故國時長向堂前拜容止
撤菽烝愚荷愛深於分雖甥恩則子年來幸獲遭

聖明玉笋聯班五雲裏闔南回首天茫茫獻壽無由
斟綠蟻題詩遠寄鶴南歸聊代芳筵祝遐祉我家雙
親七十餘別來久曠供甘旨却喜城東數畝廬門牆
咫尺聯桑梓相期朝暮慰離懷壽域徜徉樂餘齒

題林純禮戶部山水圖三首

石室薰風

赤日燒空方六月石室招提最清絕薰風習習起巖
阿爽氣蕭蕭滿林樾林君自是人中仙尋幽慣醉薰

風前蓬羽鵷班今幾載舊遊回首心懸懸半幅生綃
寫幽致吟邊猶覺生涼意

綬溪秋月

憶昔曾同泛烟艇特訪綬溪良夜景皓月含秋鏡一
輪晴波漾彩金千頃萍梗飄零苦不常又從雲路同
翱翔眼前皓月雖無恙其奈山川非故鄉他日青霄
濟時了還沂流光共吟眺

玉湖霽雪

天孫夜剪銀河水散作琪花滿林卉平湖萬頃如月
明老龍驚舞澄潭裏我昔釣雪蒼苔磯飽吸清氣歸
吟脾羸馬別來成底事但覺塵土緇人衣何日扁舟
棹晴雪湖心洗我襟懷潔

壽慶堂爲陳景厚地官賦

翠壺之山凌碧穹一脉東去如游龍蠖蜒數里聯鰲
峰峰前佳氣長鬱葱陳家遠自莆城東構堂此地誅
蒿蓬堂中鬢鑠黃眉翁一雙碧眼光瞳矐承家喜有
賢阿戎鵷班接武朝 重瞳 紫誥推恩下 九重
錦衣光映酡顏紅君家在昔稱儒宗一門世德誰能
同正獻當年輔弼忠鼎彝刻徧銘勳庸文直茂德淵
以冲一時學者資陶鎔鈍齋清隱山林中孤雲獨鶴

飛長空忠肅生當宋祚終殺身就義直從容瓚公亦
復追其蹤至今清史同昭融浮世紛紛味所從貽謀
但欲金玉豐園花旦夕開纖穠秋風回首成空叢何
似君家慶澤鍾累葉荐被恩光隆相期努力憶丹衷
大施霖雨蘇疲瘵立身不墜前人風還壽斯慶垂無窮
壽高都憲父母七十

貴溪之山凌紫虛一雙彩鳳山中居呼吸三氣吞華
腴翱翔千仞超塵汗從教滄海成丘墟雄鳴雌應長
康娛孕秀還生瑞世雛九苞文彩春華敷朝陽碧梧
千萬株春風滿地陰扶踈鳳雛高飛棲碧梧長鳴喜
聽諧笙竽好音終始期不渝喚回四海爲唐虞雙鳳
之心當益愉遐齡應與乾坤俱

一樂堂爲章丘教諭方君子大賦

烏山一脉青如龍山前鬱鬱佳氣鍾方家有堂竝當
中堂中樂事應無窮白頭二老肅以雍年華七袞顏
猶童膝下諸郎篤友恭墳篋迭奏誼春風靈椿護草
長青葱荆花棣萼尤纖穠此樂由來世罕逢君家得
此誰能同况有白眉雙阿戎文章五采稱人雄伯兮
身已凌層空仲也氣亦吞長虹龍章不日膺 褒封

茲堂樂事當益隆

壽贛州李太守璉母八十

隴西阿嬈女中傑，母儀婦道俱超絕。和丸教子早登庸，五馬專城凜冰雪。作善由來天降祥，年華八袞身康疆。霞帔珠冠侈，恩渥芝蘭玉樹爭。輝光朱門設，悅當茲夕黃菊香。中啓瑤席和雲石，髓甘若飴凝露蟠。桃赤如日贛江之水流，滔滔贛民擬釀爲春醪。年年酌獻萱堂上，用介眉壽南山高。使君團栾同白首，長與贛民作慈母。

爲周翠渠題雪竹圖

翠壺之陽多綠竹，一一昂霄美如玉。長風吹雪壓枝頭，節操逾堅不少屈。西川方伯周翠渠，襟懷不受纖塵污。節比琅玕清比雪，四海人稱偉丈夫。良工寫此入圖畫，殷勤持贈何爲者。雪宜呈瑞作豐穰，竹擬爲筓協風雅。聖皇出治圖雍熙，俗未還淳民苦饑。丈夫有道須濟時，莫負平生玉雪姿。

壽林君叔孟八十

君不見東廣徼歲旱，禱雨蘇民饑。民祝壽考無窮期，又不見竇禹鈞平生陰隲通神明。五子貴顯身康寧，我愛林家東谷翁。二公之德將無同，爲兵輸稅寬囚繫。爲民輸粟瘳疲癯，命服已看旌義槩。八旬况復逢

時泰兒孫群戲老萊衣賓朋共祝莊椿歲從來積善
流慶多始終一德求靡它德日益新壽益永還看孫
子登高科

山海奇觀爲崇安司訓屠景賦

景以劉提學委署平海衛學

武夷之山天所闢三十六峰炫丹碧中有精廬祀紫
陽萬古斯文賴昭晰東海之水龍所宮吞吐日月涵
長空海濱佳氣忽融結千年鄒魯聞儒風屠君褰然
東浙彥一經早領鄉闈薦屈登乙榜教崇安劒氣時
作虹光見年來捧檄過吾莆平海武學需師模清操
何嘗問修脯雅志但欲談詩書武夷正在崇安境千
古奇觀君已稔高山仰止長不忘進德之功豈容寢
平海城臨東海濱洪濤細浪皆成文君子之文能若
此司馬子長焉足論觀象於山德應進觀法於海文
尤盛來春三策獻天人疾雷一聲寰宇震

送方介卿還南都

烏石山前舊名閨年來樂事尤奇絕看花春日影聯
翩錫誥明廷寵稠疊憲府難兄偶過家儀曹弟亦迂
星槎雙親鬢毛猶未雪二子銀帶俱生花華誕春風
啓瑤席紛紛獻壽群仙集安期火棗大於瓜王母蟠
桃赤如日化國之日舒以長雙親壽考應無疆雲路

揚殊未艾華堂福祉尤難量移孝爲忠有明訓尋
常定省何足論好攄衷悃紹臯夔用致 吾君軼堯
舜前日難兄赴嶺南霜威已見摧奸貪今朝難弟歸
蘭省 明堂不久需棟楠離筵酒盡青山暮一片愁
心關去住他時皓月白門秋夢魂還繞烏山樹

題魏憲長山水四首

春景

乾坤昨夜東風起春入林巒絢青紫眼前風物有如
此世間何處差可擬初疑 皇都二月時花衢柳陌
相蔽虧使君退直 金鸞殿獨騎驄馬行春熙又疑

未軒公文集卷五

詩

十四

五羊城下路海色山光雜煙樹使君按節觀民風星
輅時向棠陰駐又疑山水如錢塘雨餘處處民耕桑
使君分憲恤民隱陰崖寒谷回春陽又疑風光似南
浦滕王高閣臨江渚使君持憲豺虎藏千里湖山民
按堵茲圖雖云咫尺中俯仰意態應無窮題詩愧無
五彩筆爲君聊紀曾遊蹤

夏景

青山萬疊高崔嵬流水幾道相縈回曉日村墟煙靄
散薰風樓閣簾櫳開漳南古稱形勝地家尚詩書人
禮義海濱鄒魯名尚存圖中風景無迺是故家門巷

深復深千章古木青森森赤日行空絕炎暑綠雲滿
地屯清陰使君亦是漳名族林隙依稀見華屋牙籤
插架光陸離絃誦通宵聲斷續學成萬里趨 天關
手扣閭闔呈琅玕中外激揚振風紀姓名已覆金甌
間歲旱還期沛甘澤回首故山歸未得他日功成作
畫遊山水定應增秀色

秋景

昔余早謝紅塵鞅誅茅結屋青山上青山偃蹇如傲
人我意不與山相讓日出群峰霧露餘乾坤俯仰如
水壺翠竹丹楓列圖畫清泉爽籟鳴笙竽架有詩書
尊有酒盡洗胸中舊塵垢升沉榮辱豈吾憂耳目肺
腸皆我有年來失計辭故鄉應 召萬里朝明光
聖恩特畀西江節要令士俗回淳龐馳驅誓竭駑駘
力世路多虞苦難測半生心事竟沉冥依舊塵埃滿
胸臆昨宵飛夢鄉山陬看山轉覺心含羞寄語移文
未須作琴書非久歸林丘

冬景

頽雲亘野同一色朔風驅靄聲瑟瑟須臾散作六花
飛天外群峰頭盡白入夜郊原積漸平江樹幻作珥
琪林山人中酒睡初起却疑六合秋蟾明我家炎方

地少雪宦邸驚看豪興發偶因公事出郊坰縱目湖
山賞奇絕城東綺閣諸王孫嬌歌響遏行空雲城西
甲第多豪門流霞滿泛黃金尊憲臺使君偏耐冷自
擊清水煮春茗錦裘珍饌非不能民有饑寒心未忍
殷勤起訪溪邊梅乾坤春信何時回欲挽陽和遍寰
宇盡令寒士歡顏開

送道錄司玄義堵崇德還京

黃金臺下神仙客秋水精神玉標格氣凌星斗詩思
豪光射蛟虺劒花碧一朝拜命辭帝闈函香萬里
來南閩口宣天語答靈呪手啓玉笈修明禋禮成
告我還朝去鶴馭翩然留不住今朝樽酒歌別離明
日關山隔雲樹

題東坡遊赤壁圖

誰削層崖如壁立萬仞峻嶒倚天赤亭亭雄據大江
濱氣勢似與江流敵東連夏口西武昌控荆引蜀形
勢長英雄割據竟何在山川千古猶蒼蒼東坡老僊
王堂客文章氣節稱人傑才大難爲世所容萬里黃
岡竟遷謫梧桐一葉驚早秋清宵約客來同遊匏尊
斂艷吸明月扁舟蕩漾浮中流白露橫江夜將半萬
頃浮光影凌亂孤臣頃刻不忘君感慨長歌望霄漢

洞簫一曲倚歌聲如泣如訴難爲聽幽壑潛蛟驚起
舞孤舟嫠婦悲淚零達人襟懷隘八極外物何嘗論
緝失蠅頭蝸角了無心山月江風盡堪適胸中礪硯
澆未平洗盞更酌陶幽情酒闌舟中相枕藉旭日欲
上東方明高興由來浩無際此心直與江山契風清
月白擬重來茲遊豈盡平生意十月之望維其時舊
遊佳客仍相期床頭斗酒藏已久舉網復得江魚肥
載酒攜魚泛空碧江山變態應難識水落石出江有
聲斷岸茫茫幾千尺躡衣長嘯披蒙茸窮搜不憚登
虬龍上攀棲鶻之危巢下俯馮夷之幽宮倦來仍上
扁舟去放棹中流隨所住翩然孤鶴橫江來化作神
僊夢中語坡僊一去今幾年兩賦擲地聲鏗然當時
權奸肆排擊不啻腐鼠誰復憐我昔謫宦長沙日滿
擬經過訪遺跡典衣沽酒酌英靈一吐輪菌豁胸臆
聖恩浩蕩旋賜還未得遂此瑰奇觀今日披圖發
遐想楚天萬里雲漫漫

東黃四景爲族叔祖方軒先生賦

文筆鍾靈

堪輿家謂吾狀元公坊前石幢爲黃氏文筆吾宗文獻皆鍾靈於此

石幢亭亭蒼苔立數尋遙倚西山碧宛如大筆架山

壯觀莆城聞自昔吾家聚族幢之東人豪迭出稱

儒宗咸謂斯幢作文筆千年秀氣茲焉鍾風景依然
尚如此盈秀鍾靈殊未已雲仍努力紹書香罔俾前
修得專美

印池流澤

涅槃云前埭一條龍東黃三印
斗蓋東黃古有三池謂印斗池

烏山一脈紆且長吾宗奕葉君其陽流水滢迴自山
下到門匯入三池塘池塘一方而小昔有神僧呼
印斗知稼當年擢大魁謂此鍾靈實非偶祖宗積慶
良已隆流澤與此同無窮一派今分東海上詩書擬
振前人風

品樹成陰

涅槃云品樹成陰日子孫千萬億吾
宗舊行殿有三株及宋季子姓果多

吾家遷莆歲月深舊栽品樹參天青况復先人多種
德直與茲樹同敷榮慶流孫子昌而熾適當品樹成
陰際因知樹迺德之符神僧特識蒼天意世運推移
樹已新祖宗德澤應長存一德相承能不替會看孫
子重振振

稼村聚族

吾宗狀元公號知稼翁鄉
人因稱其所居爲稼村

伊昔吾宗知稼翁文章氣節稱人雄卜築稼村三百
載參天喬木青龍葱鬱魏巍先祠屹中峙列屋兒孫自
鄰里蘋蘩歲歲奉蒸嘗燈火家家究經史方軒先生
族之良白頭晦跡東海旁殷勤作圖紀先跡雲仍百

世期勿忘

慶同年潘提學應昌壽

號留鶴亞叅應昇兄其所居堂扁曰荆花榮壽

留鶴先生百夫特未老懸車歸故國興來草聖追鍾
王醉後新詩邁元白况復堂前春意賒紫荆灼灼開
繁花 天恩汪洋殊未已壽域浩蕩仍無涯季夏堯

冀生七葉先生歲已周花甲常疑宿酒上蒼顏未許
新霜點玄髮年年此日壽筵開滿堂歌鼓喧如雷門
外賓朋集珠履膝前孫子傾金壘方薇垣久爲客
目斷鄉山海天碧幸因嵩祝上 京華得遂晝遊話

胸臆天台之山凌七天臨海之水涵百川開山種林

未軒文集卷五 詩

詩

五九

釀海水直蘄山水復齊年

題畫魚五首爲劉方伯賦

二月澄江春浩蕩遊魚共逐桃花浪就中錦鯉獨殊
常軒然欲奮青霄上頭角行看變化成鞭雷掣電遊
紫清捲起滄溟千萬頃散作霖雨蘇蒼生却笑長鯨
數千尺橫海吞舟亦何益

神魚遊戲清江滄三十六鱗盡堪數風雲未會斃倘
祥鯢鱗區區亦爲伍一朝變化升天地凡介纖鱗那
敢窺丈夫未遇亦如此紛紛薄俗休相欺

東風吹春滿平湖遊魚作隊依菰蒲一魚悠然出深

藻細鱗巨口形如鱸舉網中流魚可得尊中况有新
驚碧我欲喚起東坡翁共泛扁舟過赤壁

聖主恩波溥八夤群魚亦得沾深仁有魚依蒲玉爲
質有魚戲藻金爲鱗躍浪纔看芳渚沿流又入深
淵去因知至理亦如斯隨事隨時無定處

昔年通籍金鑾署太液池邊日來去蒼鱗隔藻弄晴
暉紫蟹攀荷吸朝露儂凡一隔經幾秋此景不見心
悠悠今日披圖賞幽致却疑重向池邊遊

壺山惜別送鄭惟廉歸常山

壺山積雨朝來久
聽吹江入楓葉感時對景足驚

未軒公文集卷五

五

心况復行人語
去年君向壺山陰六經義理鉤
其深駭浪奔騰翻學海鮮葩絢爛翹詞林今日旗亭
折揚柳龍泉如虹射牛斗中立程門道已南阿蒙吳
下才非舊君家世父烏臺英德威久被閩南城騎箕
一去今幾載閭閻赤子猶知名君歸重淬吳剛斧來
歲攜登廣寒府桂花斫取最高枝邁烈揚芬紹前武
半松爲莆郡司訓松江宋黻賦

蒼松如龍出幽谷未露全身露頭角天生大材不大
用半在雲霄半林壑浮世難逢匠石過空餘滿地清
陰多明堂不作歲云暮松兮松兮奈爾何

題蒼鵠爲寧方伯元善賦

東風吹綠垂楊枝搖煙颺日輕如絲幽鳥飛來立柱
上金眸蒼羽標格奇慧性還能學人語花外時聞數
聲度好音擬奏蓬萊宮雕籠鸚鵡休相妬

送林文華先生校文還瑞州

昔年我廁金鑾署先生載道西江去儀刑遠隔廬山
雲夢魂長遶筠州樹今年我客南都城先生拜命司
文衡五夜文星向奎聚一時藻鑑如冰明人生聚散
風前葉昨日相逢今又別離筵無惜醉芳尊後夜相
望只明月

未軒公文集卷一

題壽星圖書古揮使六十

五

弧南有星光晰晰溥照八荒開壽域降神孕秀應難
測化作人間萬夫特壯歲風雲劍三尺曾掃攬槍樹
奇蹟拂衣一笑歸泉石綠酒黃花供散逸轉眼流光
盈六十方瞳一雙炯如漆蓬矢桑弧懸此夕華筵獻
壽羣僊集瑤池蟠桃如日赤蓬島瓊漿和露碧玉皇
案上長生籍姓名特許今增入乾坤華腴飽餐食日
月精英長呼吸吸南山之壽焉能匹直與天地同無極

題七賢度關圖

玄雲亘野天將雪寒氣襲人風獵獵關門凍雀棲不

飛關樹寒梢僵欲折七賢逝此將安之山川不憚長
驅馳蹇驢伶俜足無力僮僕跼蹄心苦饑聖賢之仕
行吾義義或不行甘棄置利方爲圓豈所能枉尺直
尋非素志翩然拂袖辭朝班採芝笑指雲中山謀生
孰計田園少浩歌且喜天地寬畫史憂時有深見作
圖豈但供奇玩願公獻入蓬萊宮長與

君王作龜鑑

雙喜白頭圖爲林時潤賦

東風吹綠棠樹枝白頭並立毛羽奇喜鵲亦知春信
好雙飛樹底鳴相和君家高堂多喜氣白頭二老容

未軒文集卷五

十一

顏醉風流畫史最多稱特托幽禽寄深意愛親由來
根至情百年雖喜尤兢兢白頭變玄玄復白始慰孝
子平生心

承林見素示和曾司直九日無菊詩次韻奉答

江南菊開苦不早百年謾說重陽好我性不飲復無
花雅懷頓減柴桑老雲臺圖畫逐煙塵金谷繁華餘
蔓草看來富貴真浮雲花前有酒須傾倒我雖不飲
亦強斟誰愛名場受閑惱憶昔輶車行役時滿幘飛
埃不遑掃昨承 優詔許歸休喜劇應同獲奇寶老
得身閑卽是僊安用交梨并火棗歸來重理舊詩書

至理淵微細探討尋常有一契吾心卽反於身以自
考迺覺從前事總非天賦吾真漸枯槁迷途未遠幸
回轅終愧當年郭有道洛社風流繼自今珍重同明
永相保詩稱引翼躋壽祺爲君高歌申頌禱修身俟
命在吾人此外悠悠隨大造

再和前韻以寫餘興

臺省爭誇致身早誰識黃花風韻好浮沉宦海浩無
涯寵辱驚心容易老紛紛桃李競春華一夜狂風委
芳草吾黨行藏與世違後生譏評恒絕倒懶從勢路
乞人憐閑向東籬破化幽冷蓋踈枝未有期此日蓬

未軒公文集卷五

七十三

門爲誰掃有酒還留待葉開醉臥醒吟是吾寶盤食
淡薄芼溪蓴果實尋常剝園棗以此易彼誰得失茲
理分明易尋討汾陽功烈震乾坤不過中書廿四考
身後流光未百年故宅踈槐已枯槁人生性分有真
樂千乘王侯吾不道多君納祿早歸來出處完名真
自保一度花開一醉吟百歲爲期共君禱莫愁送酒
無王弘薄田有林吾能造

石室小隱得草字

金谷繁華世稱好西風一夜凋零早上蔡威權逼昊
穹東門黃犬嗟難保卓哉羅君契茲道名利場中迹

如掃石室巢雲事幽討一榻清風小蓬島有時豪吟
豁襟抱山中萬物經品藻有時花前獨傾倒陶然一
任韶光老我昔躬耕南畝稻心與乾坤同浩浩年來
苦被微名惱玄髮無情欲成縞野馬何年脫塵阜同
向雲中拾瑤草

燕樂亭

在鍾山之陰蔣王祠旁李
司馬所構也代孫寺丞賦

蔣王祠下多遊客特構幽亭庇休息八窓嘉樹散繁
陰四座奇峰飛翠色元戎小隊朝出城醜酒椎牛來
落成綺席弘開縱歡笑新詩迭唱歌太平因號茲亭
為燕樂歲歲春風罷有約頌分此樂及蒼生晝挽疲

癡出溝壑

愚軒為高都憲賦

小智私以鑿民風日澆漓徇盜雞鳴紛變詐神機鬼
狀爭恠奇南臺都憲真超卓鐘采埋光全太樸滿腔
真意與天遊半點機心無地著世人競諛佞口舌如
箴垣寧為周御史期期發忠言世人多詭隨不異鈴
繞指寧為柳士師直道終如始眼看薄俗恒自懲開
軒因以愚為名如公豈是真愚者欲與往哲同垂聲
願公無遽歸鄉土盡俛民風復淳古

三宜庵為高都憲賦

都臺有客人中彥卓犖才華金百鍊忠貞耿耿動

宸旒風裁稜稜肅邦憲哲人所見殊非常世事多與
心參商浩然歸思不可遏千里再拜陳封章臣忝南
臺司憲紀庶政皆歸臣統理設施容或乖其宜罪雖
有歸臣實耻老親况復雙龍鍾家無應門五尺童臣
沐 隆恩歸未得故山回首情無窮臣齒于今過半
百二毛漸覺秋霜白疾病侵尋志慮衰施於有政寧
無惑以茲三事恒自嘆公義私情俱未安揆分惟宜
置閑散 天恩倘許當銜環 聖主方求經濟者得
士如公寧忍舍公心不啻金石堅丹烟重陳 雙闕

世宗憲皇帝卷五

下 帝曰卿才實有爲卿言懇懇難竟違膝下許卿
得終養未許終老山中扉 綸音南來不信宿拂衣
一笑歸鄉曲進退從容大義明孤標真足扶頽俗我
位於公因不侔我身自揣尤宜休太息高風先著步
題詩送別令人羞

題梅

山人自昔多佳興手種梅花滿幽徑風韻尋常儘絕
奇况有明月相輝映夜深索笑簷之隅仰視天宇如
水壺獨嗅寒香不成寐起酌尊酒招林逋何當借榻
梅邊屋長與梅花伴幽獨飽收清氣歸肝腸一洗胸

中舊塵俗

題畫梅爲余君穆興賦

一朶陽和初破凍孤根得氣先萌動南枝北枝爛熳
開商鼎已作和羹夢輕風時度巖谷間清香萬斛飄
人寰獨抱冰霜清白操耻競桃李芳菲顏一般風味
尤奇絕夜靜林梢上寒月踈影橫恣舞翠虬殘英滿
地飛香雪素志寧甘沒草萊移根終向上林栽春色
無邊獨占斷群花不敢爭先開

江湖覽勝爲吳大尹乃兄浩賦

男兒貴有四方志生來門外懸弧矢乾坤萬物備吾

身歷覽寧辭千萬里張騫乘槎犯斗牛子長足迹半

九州博識當時推獨步史才後世誰與儔吳君自是
新安彥劍氣時作虹光見有策不肯于公侯有才不
屑事州縣獨買吳江舟一葉歷遍三江弁七澤興發
閑登山上山豪來醉弄波間月到處交遊多偉人耳
目所接皆奇珍炯炯靈竈貫今古翩翩襟抱超風塵
李方吾莆賢父母巖翁就養幾寒暑彩衣又上閩江
船綠酒共聽烏石兩長空鴈過秋風涼驪駒又發壺
山陽還家故舊應相語勝覽又經天一方

贈松樓玉上人歌和張坦齋韻

上人風度溫如玉况復文雅超凡俗閉戶繙經戒行
修登堂見客容儀肅有時泚筆臨古書有時引水澆
新竹或從泉石共徜徉或與雲月相追逐老子借榻
兩經春青眼相看情愈篤校書永晝每烹茶酌客清
宵頻剪燭同袍幸有坦齋翁時聽清吟散煩惱上人
亦學參詩禪講論時時見心曲修纂乎今已畢功分
手將歸故山麓短歌一闋寫離懷回首南山煙樹綠

三友樓為孫同知賦

徂徠大夫擅高節羅浮懷子應同流亦有淇園古君
子相伴幽人同一樓幽人襟懷絕塵垢共結寒盟號
三友百年大夢香難醒萬古清風長不朽賢孫佐郡
閩海東宦成回首歸興濃重構危樓題舊扁欲修先
緒追前蹤歲暮群芳盡凋歇三友敷榮心似鐵相看
一笑天地春權門炙手從渠熱

致仕歸言懷效吳體四首

失脚一下蒼苔磯頓覺世途多險巇 聖代敢言輕
去就時評或恐迷是非混雌與雄烏莫辯隔形吠聲
厖曷知歸來穩坐茅簷下閑看白雲生翠微

嬖阿媚世吾所慚便尋舊隱南山南寸心靜觀元了

了眾口可笑猶喃喃秋風世途雙眼冷夜雨吟窩孤

夢酣羹有溪魚飯有藟一飽豈必求肥甘

白日不照吾肺肝由學阿世誠何顏詩書聊堪遺孫
子杞菊亦足供盤餐銅山鑄錢彼爲得瓦甕灌畦吾
所安自笑無能成巧宦只合歸伴沙鷗閒

違心徇祿非吾情春田夜雨思歸耕經綸誰能贊化
育出處我豈關重輕王侯只如槐蟻夢詩酒聊尋花
鳥盟勳烈無階上鍾鼎且免青史遺臭名

題吳繼學先生家藏邊景昭花鳥圖五首

琅玕挺碧梅舒白歲暮相依傲殘雪一雙靈鵲何處
來枝頭似報春消息良工畫筆妙入神寫生一一皆

卷之五

集卷之五

五

逼真半幅霜紈纔尺許無限風光照眼新問君茲圖
何自得先公育材有遺澤靈禱元不受纖塵諸生獻
此旌衷臆嗚呼茲圖百世宜珍藏大訓天球端可方

右梅竹
雙鵲

海棠春意酣繁花粲如綺枝上依棲三白頭似惜韶
華不飛起人生亦愛韶華妍眼閱韶華誰百年邁烈
揚芬頰及早如此白頭良可憐

右海棠
三白頭

山禽文彩奇映日尤鮮媚一雙飛上石榴枝似與榴
花爭豔麗虞廷九奏歌雍熙鳳儀獸舞紛龍墀茲禽

亦合登廊廟雅性自愛山林棲

右榴花
十二紅

荷蓋已枯槁蘆花亦凋殘
雖渠兩兩如兄弟相依不
恤空江寒角弓詩成風漸靡
斗粟謠興俗尤鄙紛紛
塵世閱牆人見此微禽
頽應泚右敗荷四鵝鶴

霜竹弄晴翠寒梅發幽姿
黃雀呼朋自爲伍各求所
止棲高枝茲圖用意良有托
持贈寧徒供玩樂先公
教鐸遍儒林共祝兒孫膺五爵右梅竹五雀

田家詞

官府年來恣徵討里正登門急於火
三冬過半稻初登翻說今年稻熟
早家人相率往田間協力無分少
與老短鎌一派穫聲齊數畝黃雲
隨手倒背負肩任

朱輿公文集卷五

詩

二九一

初上場男共播揚女春耨里正醉飽纔出門督郵復
自城中造急將賤糶納官需且免官刑相苦惱回首
場頭稻已空一年生死良難保小兒彈淚向而風說
曾田畔拾餘稻阿翁回語兒無啼尚冀明年官府好

題萬竿煙雨圖爲江士韓賦

我醉飛夢湘江曲開蓬坐愛湘水綠
兩岸蒼蒼風景殊簞簞萬箇森如玉
寒雲拖雨出遙岑輕烟一橫
前林斷影微茫鸞鳳舞清聲
淅瀝虬龍吟遠隔層雲看漸晦
近拂浮嵐望還翠枝南枝北飛鳥
迷葉上葉下珠璣碎須臾雨歇起
清風寒烟吹破猶冥濛妃淚

班班濃淡裏，孫枝簇簇有。無中江君自是高，崗鳳共
結寒盟恣吟弄。命工寫入圖畫間，我見猶疑醉時夢。

送何維良歸新淦

刑部員外維孝庶
吉士維一之弟也

北風初釀寒，吹老都門柳。柳下送君行，高歌酌尊酒。
君家兄弟不可當，攀龍濟濟遊。帝鄉憲部僊郎唐。

杜景詞垣吉士宋朱昂君亦承家富文藻甘旨庭闈
娛二老數年風雨不連床，幾度池塘空夢草。竭來萬
里趨京師，金昆玉季情怡怡。捲簾笑對荆花樹，擊

節醉吟棠棣詩。回首孤雲飛絕巘，鄉心應與雲舒卷。
祇愁去住別離難，奚恤往來行路遠。酒闌催上路，河

未軒公文集卷五

詩

三十一

舟潞河之水隨東流，帆影忽經紅葉岸。棹歌迥入黃
蘆洲，去路行行望桑梓。桑梓微茫隔溪水，篋中重整
舊斑衣。膝下跪斟新綠蟻，家君昔宰幽燕南。尊翁載
鐸來杏壇，山斗光中識顏色。珠璣落處聆笑談，君家
仲兄鄉進士。論交於我最知已，紫陌相逢未幾旬。雲
山依舊成千里，題詩今日送君歸。令人却憶十年時，
一樂堂中歡會處。殷勤爲我道相思。

題山水圖送宋汝勤赴安州學正次劉學士韻

安州我舊遊，風景如看畫。巖宮清絕隱林塘，別構茅
亭芳樹下。諸生幽抱此傾寫，舞雲詠歸同雅雅。君拜

新恩教此州官清地僻心境幽
榱棟梁收捨遍大手還修五鳳樓
嗟我別來今幾載披圖猶認舊滄洲
今日題詩送君去明日空望停雲天際頭

